

制 诏 类

奉天承运

皇帝诏曰明刑弼教必藉果断之臣执法御民须得刚方之士顾兹重任宜得其人咨尔
正治上卿刑部尚书黄灏文武材全智仁德备闻望素隆於朝野忠真简在於朕心似此
名贤宜膺显擢今特以尔为资德大夫尔其精白乃心恪共厥职致君尧舜期四方还浑
噩之风接武皋夔俾百姓化嚣顽之俗朕命惟允尔往钦哉

敕命

宋熙宁二年五月初四日

之宝

奉天承运

皇帝制曰故朝奉郎黄庭坚自熙宁大臣用事变法始以异同排斥士大夫维我神祖念之不忘元丰之末稍已收召接於元祐英俊盈朝而尔以文采风流为一时冠学者欣慕之及继述之论起黨籍之禁行而尔每为罪首则学者以其言为讳自是以来缙绅道丧纲纪日隳驯致宣和之乱言之可为壙心乃朕纂承先绪既从昭洗今加赠尔龙图阁大学士官子孙各一人斯足以见朕志矣呜呼西清之遊书殿之選惟尔曹为称使生而得用尽其才能亦何止於是欤举以追命聊伸齋志之恨亦以少慰天下士大夫之心英爽不忘歆比休显

勅命

宋绍兴元年辛亥三月

之宝

奉天承运

皇帝诏曰亮采惠畴特重端揆之选持盈保泰急须坐论之人故树望台端正以专耳目
股肱之托秉衡宏化乃以广翼为明听之资宜精白乎乃心务期勉於一德咨尔户部侍
郎黄叔傲涵养深醇天资樸实持大中之理学制而美锦无慙操至正之衷补衮而弥缝
必大文成火藻欣瞻雲蒸霞蔚之奇吉叶茅茹立覩豹变龙骤之盛兹特晋尔为户部尚
书既荷恩纶益扬休命钦哉

勅命

宋绍兴二年壬子二月

之宝